

16.04.2015.



Održana je deveta Izvještajna Skupština Udruženja poslodavaca BPK Goražde. Na dnevnom redu se našlo 8 tačaka dnevnog reda. Nakon što je izabrana verifikaciona komisija, te zapisničar i ovjerivači zapisnika usvojen je i Izvještaj o radu Upravnog odbora, Nadzornog odbora, Tehničke službe, te delegacije u Ekonomsko-socijalnom vijeću za 2014.godinu.

Ocijenjeno je da je Udruženje poslodavaca u 2014.godini imalo zapažene aktivnosti, te nastojalo biti prepoznatljiv partner Vlasti i biti na usluzi članovima.



Usvojen je i Program rada za 2015.godinu. Glavne odrednice rada Udruženja u 2015.godini će biti na rastrećenju privrede, stvaranju boljeg poslovnog ambijenta i stavranju boljih uslova privređivanja privrednim subjektima sa područja BPK Goražde.

Planirana je izrada „Privrednog vodiča BPK Goražde“, te obilježavanje 10-godišnjice rada Udruženja 06.maja 2015.godine.

Usvojen je i Finansijski plan za 2015.godinu, te usvojen završni račun za 2014.godinu.



Na Skupštini su prisustvovali mnogobrojni gosti, između ostalog Premijer BPK Goražde gosp. Emir Oković, direktorica Službe za zapošljavanje BPK Goražde g-đa Nafija Hodo, predsjednik Privredne komore BPK Goražde gosp. Dževad Terović, te u svosjstvu zamjene načelnika općine Goražde i ministra za privredu g-đa Asima Džambegović i Melida Hadžiomeorović.

Prisutni gosti su izrazili zadovoljstvo u vezi saradnje sa Udruženjem poslodavaca te svaki iz svog domena iznio podatke o zaposlenosti, izvozu-uvozu, planovima općine, ministarstva za privredu BPK Goražde, te Vlade BPK Goražde.

Premijer je kazao da stoji na raspolaganju privrednicima kako po pitanju rastrećenja privrede, tako i svim drugim pitanjima u vezi podsticaja i sl.



Do kraja Skupštine poslodavci su razgovarali o problemima s kojima se suočavaju od pitanja razvoja poljoprivrede, saobraćajne infrastrukture, o novom Zakonu o radu, te o svim drugim pitanjima koji usložnjavaju poslovanje privrednim subjektima.